

唐均韻正式

顧氏音季五書

卷之二

卷之二

唐韻正上平聲卷之一

音學五書
十七

凡韻中之字今音與古音同者卽不復註其不同者乃韻譜相傳之誤則註云古音某並引經傳之文以正之其一韻皆同而中有數字之誤則止就數字註之一東是也一韻皆誤則每字註之四江是也同者半不同者半則同者註其略不同者註其詳且明其本二韻而誤併爲一五支是也一韻皆同無誤則不註二冬三鍾是也餘倣此

一東

居戎切

弓

古音肱詩大叔于田三章抑釋柲忌抑鬯弓忌小戎三章虎韞鏐膺交韞二弓竹閉緄滕采綠三章之子于狩言韞其弓之子于釣言綸之繩閼宮五章公車千乘朱英綠滕二矛重弓公徒三萬貝冑朱綬烝徒增增戎狄

是膺荆舒是懲則莫我敢承 左傳莊二十二年詩曰翹
翹車乘招我以弓豈不欲往畏我友朋 楚辭九歌國殤
帶長劒兮挾秦弓首雖離兮心不懲誠既勇兮又以武終
剛強兮不可凌身既死兮神以靈魂魄毅兮爲鬼雄靈宇
不入韻 韓非子揚權篇毋弛而弓一棲兩雄 漢枚乘
七發將爲太子馴騏驥之馬駕飛軫之輿乘牡駿之乘右
夏服之勁箭左烏號之雕弓 宋吳棫韻補曰弓姑弘切
春秋昭三十一年邾黑肱以濫來奔公羊傳作黑弓儀禮
鄉射禮侯道五十弓弓二寸以爲侯中註今文改弓爲肱
按弓字古無讀居戎反者當改入蒸韻 元戴侗六書
故曰弓古音姑弘切而躬字从呂詩躬與宮宗協見於雲
漢弓與繩膺協見於小戎采綠較然不絜弓非躬之聲也
按論語天之曆數在爾躬亦與中窮終爲韻

雄

羽弓切

古音羽陵反

詩無羊三章爾牧來思以薪以蒸以雌以

雄爾羊來思矜矜兢兢不騫不崩麾之以肱畢來既升

正月五章謂山蓋卑爲岡爲陵民之訛言寧莫之懲召彼
故老訊之占夢具曰予罔誰知鳥之雌雄左傳襄十年

孫文子卜繇兆如山陵有夫出征而喪其雄正義云古人

讀雄與陵爲韻詩正月無羊皆以雄韻陵是也楚辭國

殤見上韓非子見上素問著至教論此皆陰陽表裏

上下雌雄相輸應也黃石公三略故其衆可望而不可

當可下而不可勝以身先人故其兵爲天下雄淮南子

覽冥訓夫从生同域不可脅陵勇武一人爲三軍雄兵

略訓奇正之相應若水火金木之代爲雌雄也善用兵者

持五殺以應故能全其勝漢書元后傳陰爲陽雄土火

相乘故有沙鹿崩後六百四十五年宜有睚女興漢冀

州從事張表碑文懿烈純德繼踵相承于來我君亦邦之

雄嬰魏陳琳神武賦單鼓未伐口已潰崩克雋馘首梟其

魁雄按雄字自文子符言篇老子曰一言不可窮也二

言天下宗也三言諸侯雄也四言天下雙也列女傳魯寡
陶嬰歌悲夫黃鵠之早寡兮七年不雙宛頸獨宿兮不與
衆同夜半悲鳴兮想其故雄後人因之誤入東韻

熊

古音同上春秋宣八年葬我小君敬嬴公羊穀梁傳竝
作頃熊頃音近敬熊音近羸正義不得其解乃云一人有
兩號非矣左傳昭七年正義曰張叔皮論云賓爵下革
田鼠上騰牛哀虎變鯨化爲熊久血爲燐積灰生蠅傅玄
潛通賦云聲伯忌瓊瑰而弗占兮晝言諸而暮終羸政沈
璧以祈福兮鬼告凶而命窮黃母化而爲黿兮鯨殛變而
成熊二者所韻不同或疑張叔爲能字著作郎王劭曰古
人讀雄與熊皆于陵反張叔用舊音傅玄用新音張叔亦
作熊也案詩無羊正月及襄十年衛卜禦寇繇皆以雄韻
陵劭言是也以上二字當改入蒸韻

曾

莫中切

古音莫騰反 左傳襄十四年不與於會亦無曾焉曾音
莫贈反徐又武登反一音武忠反 今此字兩收於一東
十七登部中 按唐岑參寄青城龍谿奩道人詩五嶽之
丈人西望青曾曾與稜僧凝澄稱燈乘應爲韻獨孤及招
北客文白曰無光其氣曾曾與凝蒸爲韻是唐人固讀爲
莫騰反矣 當削去併入登韻

薺

古音同上 亦作薺春秋昭二十年曹公孫會自薺出奔
宋薺音莫公反一音亾增反
玉篇有瞢字亦云莫公默鄧二切今廣韻不收

夢

古音同上 詩雞鳴三章蟲飛薨薨甘與子同夢會且歸

矣無庶予子憎 斯干六章乃寢乃興乃占我夢 正月

四章瞻彼中林侯薪侯蒸民今方殆視天夢夢既克有定

靡人弗勝有皇上帝伊誰云憎 五章見上 漢揚雄甘

泉賦般倕棄其剗剗兮王爾投其鉤繩雖方征僑與偓佺

兮猶彷彿其若夢 詩視爾夢夢沈音莫登反 亦作寤

淮南子繆稱訓其坐無慮其寢無寤物來而名事至而應

文子同 陳第曰夢莫騰反後轉音蒙晉潘岳哀永逝

文既遇目兮無兆曾寤寐兮弗夢既顧瞻兮家道長寄心

兮爾躬始音蒙 按石崇荅曹嘉詩周公不足夢亦與中

融等字為韻 張昭曰說文寤寐字偕夢聲音義不同因

筆繁偕省詳九經字樣佩觿集 以上二字當改入登韻

房戎切

馮

古音憑 詩縣六章掾之陳陳度之夢夢築之登登削屨

馮馮百堵皆興磬鼓弗勝 晉郭璞山海經飛鼠贊或以

尾翽或以髯凌飛鼠鼓翰條然皆騰用無常所惟神是馮
春秋莊二年宋公馮卒馮音皮冰反 山海經冰夷註

冰夷馮夷也竹書作馮夷字或作冰也 說文馮从馬欠

聲 元吾衍閒居錄曰舜生諸馮及晉人有馮婦之類皆

音皮冰反古不音房戎反也 今此字兩收於一東十六

蒸部中 按漢書禮樂志安世房中歌桂華馮馮翼翼本

註無音當與憑字音同太玄經廓次六維豐維兼百辟馮

馮伊德攸興馮與下興爲韻不與上崇爲韻至後周祀黃

帝雲門舞歌齋壇芝曄曄清野桂馮馮與同宮中風蔥爲

韻則讀房戎反矣又吳華覈上孫皓文曰咨覈小臣艸芥

凡庸遭眷值曜受恩特隆越從朽壤蟬蛻朝中熙光紫闥

青瑣是憑晉郭璞作元帝哀策文曰大業未恢皇齡未中

天潛其景崑頤其崇瑩瑩小子藐藐孤冲靡天何戴靡地

何憑恍惚極慕若存若終則并憑字亦讀爲房戎反蓋此

字之音自吳已誤後周庾信鴛鴦賦以韓憑爲韓馮亦讀

爲房戎反 當削去併入蒸韻

汎

古音孚梵反 說文汎从水凡聲 今此字兩收於一東

六十梵部中 當削去併入梵韻

芄

古音凡 說文芄从艸凡聲 當改入凡韻

梵

古音扶泛反 今此字兩收於一東六十梵部中 漢都

鄉正衛彈碑梵梵黍稷偕作芄芄故入此韻 當削去併

入梵韻

風

方戎切

古晉方慍反。詩綠衣四章絺兮綌兮淒其以風我思古人寔獲我心。邶谷風首章習習谷風以陰以雨黽勉同

心不宜有怒風與心爲韻。晨風首章鴛彼晨風鬱彼北

林未見君子憂心欽欽。何人斯四章彼何人斯其爲飄

風胡不自北胡不自南胡逝我梁祗攪我心。桑柔六章

如彼遡風亦孔之僂民有肅心莽云不逮風與心爲韻

烝民八章吉甫作誦穆如清風仲山甫永懷以慰其心

楚辭九章涉江乘鄂渚而反顧兮欸秋冬之緒風步余馬

兮蘭皋邸余車兮芳林。哀郢登大墳以遠望兮聊以舒

吾憂心哀州土之平樂兮悲江介之遺風。管子版法篇

兼愛無遺是謂君心必先順教萬民鄉風旦暮利之眾乃

勝任。孫子軍爭篇故其疾如風其徐如林。莊子秋水

篇夔憐蛇蛇憐蛇蛇憐風風憐目目憐心。韓非子揚權

篇枝大本小將不勝春風不勝春風枝將害心公子旣眾

宗室憂吟。淮南子說林訓有山無林有谷無風有石無

金。文子德篇內能理身外得人心發施號令天下從

風 漢書禮樂志郊祀歌朝隴首篇流星隕感惟風籥歸
雲撫懷心 司馬相如上林賦紛溶箭蓼猗猗從風 長

門賦廓獨潛而專精兮天飄飄而疾風登蘭臺而遙望兮
神怳怳而外淫 枚乘七發梧桐并閭極望成林衆芳芬
鬱亂於五風從容猗靡消息陽陰列坐縱酒蕩樂娛心景
春佐酒杜連理音 游涉乎雲林周馳乎蘭澤弭節乎江
潯掩青蘋遡清風陶陽氣蕩春心逐狡獸集輕禽 東方
朔七諫便娟之修竹兮寄生乎江潭上歲蕤而防露兮下
泠泠而來風孰知其不合兮若竹柏之異心 鹽鐵論文
繁於春華無效於抱風飾虛言以亂實道古以害今 易
林睽之巽露宿多風君子傷心 京房易傳衆逆同志至
德乃潛厥咎風 韓詩外傳子貢曰嚮子之言穆如清風
不悖我語和暘我心於此有琴而無軫願偕子調其音
列女傳阿谷處女篇同 頌曰孔子出游阿谷之南異其
處子欲觀其風子貢三反女辭辯淡子曰達情知禮不淫
揚雄蜀都賦其布則細都弱折綿繭成衽阿麗纖靡邈

晏與陰蜘蛛作絲不可見風簫中黃潤一端數金 馮衍
顯志賦沮先暉之成論兮邈名賢之高風忽道德之珍麗
兮務富貴之樂耽 張衡思玄賦收疇昔之逸豫兮卷淫
放之遐心修初服之娑娑兮長余珮之參參文章煥以燦
爛兮美紛紜以從風御六藝之珍駕兮游道德之平林
七辯美哉吾子之誨穆如清風啟乃嘉猷寔慰我心 李
尤曄銘天設窻牖開光照陰施于明堂以象八風 蔡邕
荅對元式詩君子博文貽我德音辭之集矣穆如清風
魏卞蘭贊述太子賦天下延頸歌頌德音聞之於古見之
於今淡不可測高不可尋創法萬載乘此休風 晉戴凱
之竹譜蓋竹所生大抵江南上密防露下疏來風連畝接
町竦散岡潭 今山西人讀風猶作方惜反按說文風从
虫凡聲似當讀方凡反左傳襄二十九年渢渢乎韋昭音
凡徐邈音敷劒反飄亦音凡說文飄从馬風聲今南人謂
帆爲蓬猶之謂方凡之風爲方戎也 釋名風竟豫司橫
口合唇言之風汜也其氣博汜而動物也青徐言風馭口

開脣推氣言之風放也氣放散也 按風字自漢王褒洞
簫賦吟氣遺響聯綿漂撇生微風兮連延駱驛變無窮兮
班固東都賦觀明堂臨辟雍揚緝熙宣皇風馬融長笛賦
簫管備舉金石竝隆無相奪倫以宣八風始變古音以後
邊讓章華臺賦禰衡顏子碑蔡琰胡笳十八拍魏文帝黎
陽作陳思王雜詩劉楨贈從弟無不讀爲方戎反矣

楓

古音同上 楚辭招魂朱明承夜兮時不可淹皋蘭被徑
兮斯路漸湛湛江水兮上有楓目極千里兮傷春心魂兮
歸來哀江南 漢張衡西京賦木則樅栝檟楠梓械梗楓
嘉卉灌叢鬱若鄧林 以上二字當改入侵凡韻 楓
等字從風得聲俱當改入侵凡韻餘倣此不悉書

二冬

古與一東通爲一韻

三鍾

古與一東二冬通爲一韻

四江

古與一東二冬三鍾通爲一韻 宋吳棫韻補四江古通

陽或轉入東非

古雙切

江

古音工 楚辭九章哀郢將運舟而下浮兮上洞庭而下
江去終古之所居兮今逍遙而來東 悲回風馮崑崙以
激霧兮隱岷山以清江憚涌湍之盭盭兮聽波聲之洶洶
荀子成相篇禹有功抑下鴻辟除民害逐其工北決九

河通十二渚疏三江 欲哀對言不從恐爲子胥身離凶
進諫不聽剗而獨鹿棄之江 漢東方朔七諫痛忠言之
逆耳兮恨申子之沈江願悉心之所聞兮遭值君之不聰
淮南子說林訓晉陽處父伐楚以救江故解梓者不在
於捌格在於批忱 忱音宄廣韻作搆三鍾二腫部中竝有
此字 修務訓禹耳參漏是謂大通興利除害疏河決江
禮含文嘉同 白虎通同 史記龜策傳故云神至能
見夢於元王而不能自出漁者之籠身能十言盡當不能
通使於河還報於江 易林晉之旣濟見下 蹇之臨霖
雨不止流爲河江南國憂凶 揚雄蜀都賦百金之家千
金之公乾池泄澳觀魚于江 越絕書記吳王占夢胥爲
人先知忠信中斷之入江瞿正言直諫身歿無功 黃香
九宮賦碎太山而刺嵩高吸洪河而嘬九江登崔嵬之釐
臺闕天門而閃帝宮高嘉命而延壽樂斯宮之無窮 楊
修五湖賦頭首無錫足蹄松江負鳥程於背上懷大吳以
當胷 魏王粲贈蔡子篤詩翼翼飛鸞載飛 不我友云

徂言戾舊邦舫舟翩翩以沂大江蔚矣荒塗時行靡通慨
我懷慕君子所同陳思王九愁賦俗參差而不齊豈毀
譽之可同競昏瞽以營私害予身之奉公共朋黨而妬賢
俾予濟乎長江磐石篇見下禹治水贊嗟夫夏禹實
勞水功西鑿龍門疏河道江梁岐既闢九州以同天錫玄
圭奄有萬邦吳鼓吹曲關背德篇巍巍夫聖主睿德與
玄通與玄通親任呂蒙泛舟洪汜池溯涉長江晉顰舞
歌大晉篇吳人放命憑海阻江飛書告諭響應來同晉
書五行志吳孫皓天紀中童謠曰阿童復阿童銜刀游渡
江不畏岸上虎但畏水中龍元帝紀太安之際童謠云
五馬浮渡江一馬化爲龍宋書五行志竝同左思蜀
都賦結陽成之延閣飛觀榭乎雲中開高軒以臨山列綺
窗而瞰江吳都賦鳥則鴟雞鸚鵡鵠鵲鴻鵠鷗鷺避風
候鴈造江嶰澗閬岡岵童謠衆滿效獲衆迴靶乎行睨
觀漁乎三江汎舟航於彭蠡渾萬艘而旣同陸機漢高
帝功臣頌穎陰銳敏屢爲軍鋒奮戈東城禽項定功乘風